

修訂日期: 2004/10/21 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 20, No. 1046

原始資料: 蕭鎮國大德提供, 北美某大德提供

No. 1046

六字大陀羅尼呪經

失譯人名今附梁錄

如是我聞。一時婆伽婆。住王舍城耆闍崛山中。與大比丘眾五百人俱。爾時長老阿難。為旃陀梨女呪術所收爾時長老阿難。白佛言世尊。我今強為他收去。婆伽婆我今強為他收去修伽陀。

爾時婆伽婆告長老阿難言。汝來阿難汝莫驚怖。阿難汝當受持六字大陀羅尼呪。為令四眾利益安隱安樂吉祥行故。而說呪曰。

斯(須何反)地(除隸反)梯(吐稽反)曇(徒紺反)安(於軻反)茶(徒嫁反)隸般茶(徒嫁反)隸葛羅馳(除寄反)稽由隸 薩帝 婆帝 耶[賒-示+米]婆帝 底闍婆帝 頻頭摩帝

阿難是呪。能令宿食不消尋得消化。能除吐下等病。能除風病。熱病冷病雜病。能滅一切諸邪呪術。能滅起屍。能滅一切形像厭蠱。阿難若有人知此神呪姓名者。彼則不怖畏王難。不怖畏怨敵難不怖畏賊難。不怖畏火難不怖畏水難。若於城邑聚落及在曠野悉無所畏。亦不為他人伺求其過無過可說。若食毒藥毒不能害轉為利益。

阿難此六字大陀羅尼呪乃是七三藐三佛陀所說。亦是梵王娑婆主說。釋提桓因四大天王所說。亦皆隨喜破諸呪術消伏起屍。一切形像厭蠱皆悉破壞斷滅。長老阿難聞佛所說歡喜奉行。

六字大陀羅尼呪經